

## ՀԱՍԱՆ ՉԵԼԵՔԻ.

### ՍԵՔԱՍՏԻԱՅԻ ՏԵՂԱՀԱՆՈՒԹՅԱՆ ՃԱՆԱՊԱՐՀԻ ՄԻ ԿԱՅԱՆԻ ՇՈՒՐՋ

*Բանալի բառեր*<sup>1</sup> Հայոց ցեղասպանություն, վեց վիլայեթներ, Սեբաստիա, Խարբերդ, Հասան Չելեքի, տեղահանություն, տղամարդկանց կոտորած, թալան, օտար ականատես:

Հայոց ցեղասպանության իրագործման հիմնական բաղադրիչներից մեկի՝ բռնի տեղահանությունների միջոցով հայ բնակչությունն արմատախիլ արվեց սեփական բնաշխարհից և ոչնչացվեց սիրիական անապատների ճանապարհին: Այս ճանապարհի երկայնքով *Թեշ-քիլայթը մահուտե*-ի կողմից կազմակերպվել էին հստակ և առանձին գործառույթներ իրար մեջ բաժանած անցումային կայաններ, որտեղ իրականացվում էին նախապես մշակված գործողություններ՝ թալան, տարատեսակ բռնություններ և ոչնչացում:

Հոդվածում քննարկվում են այդ կայաններից մեկում՝ Հասան Չելեքիում տեղի ունեցած գործողությունները՝ հայկական քարավանների թալանը և ոչնչացման գործընթացը՝ հիմնվելով գլխավորապես հայկական արխիվային<sup>1</sup>, գրքային<sup>2</sup>, մամուլի<sup>3</sup>, հուշերի հավաքածուների<sup>4</sup>, գիտական ամսագրերի<sup>5</sup> ու հետազոտությունների<sup>6</sup> տեղեկությունների և

1 Archives De La Bibliothèque Nubar, Fonds Aram Andonian (այսուհետև՝ BNu/Fonds A. Andonian), Matériaux pour l'histoire du genocide, Dossier 49, *Massacres et déportations à Sebaste* (14 pièces, 190 ff. rv.), AA/MHG/P.i.1/2-49; Ա. Հ., *Սեբաստիա*, Հայկանույշ Չառացյան, «Սրվազ», Վարդանուշ Գասանյան, «Պարություն Վարդանուշ Գասանյանի սիվասցի», Հեղինե Պեկեան, «Անսախալի հայ տարագրեալները», BNu/Fonds A. Andonian, P.J.1/3, fi le 6, Amasia: Սեպուհ Լուսարայյան, «Մի կյանքի պարություն», ՀՅԹԻ, Ձեռագիր հուշագրությունների բաժին, գ. 127, գ.128, գ.129; Սուրեն Սարգսյան, «Պարություն կարմիր, սև էջեր, սալանայական գործեր, եղենդ», ՀՀ ԳԱԱ հնագիտության և ազգագրության ինստիտուտի ազգագրության բաժնի արխիվ, թղթապանակ 121/2; Օհաննես Ալեքսանդրեանի հուշերը 1915 թ. եղենի մասին (ձեռագիր), Հայաստանի ազգային արխիվ (ՀԱԱ) ֆ. 439, ց.3, գ.115:

2 Կարապետ Գարիկեան, *Եղենուպարում. Փոքուն հայոց եւ նորին մեծի մայրաքաղաքին Սեբաստիոյ*, (Պոպըն, «Հայրենիք», 1924); Փայլածու Գաբունյան, *Ցաւակ* (Նի Եօրք, «Արմենիա», 1922); Եղուարդ Ա. Բագուպեան, *Եղենուքաղ որաներ* (Պէրոթ, «Shirak Press», 1968); Գաբրիել Միմոնեան, *Յուշամարեան պոնտական Անսախոյ* (Վենետիկ, ա.հ, 1966); Վահան Համբարձումյան, *Գիւղաշխարհ. Պարունական, ազգագրական ուսումնասիրութիւն* (Փարիզ, «Տարօն», 1927); Սարգիս Ս. Տէմիրճեան, *Չորս տարուան քառասանք, Եղոկացի (Թորքալ) օր. Թէփերիկ Չարգեանի արտոյի կեանքէն* (Նի Եօրք, «Հայկ», 1920); Լևոն Վարդան, «Ամբաստանագիր-տեղեկագիր Սեբաստիոյ կուսակալութեան», *Հայկազեան հայագիտական հանդէս* ԺԵ (1995), 499-519:

3 Շահէն Տէրաթեան, «Արինի ճամբէ. Դէպի Գողգոթան», *Հայրենիք* 11 no. 298 (1950); 1 no. 323 (1953); Վահան Չուգարզեան, «Բզքտուած Սեբաստիան», *Երիտասարդ Հայաստան* (Շիրակ), 11 հոկտեմբեր 1919:

4 Վերծինե Սվազյան, *Հայոց ցեղասպանություն. Ականաբեւ վերապրողների վկայություններ* (Երևան, Գիտություն, 2011); *Հուշագրական ծառանգություն*, ՀՀՈՒ հիմնադրամի գիտական ուսումնասիրություններ, հատոր 14, (Երևան, «Հայկական ճարտարապետությունն ուսումնասիրող հիմնադրամ», 2011); Լևոն Մեսրոպ, *Աղէր եւ վերածնունդ* (Փարիզ, «Արաքս», 1952):

5 Յակոբ Քոսեան, «Գանտիտա Գոյումճեան. Աքտրի ճամբան (1915)», *Հանդէս ամսօրեայ* 1 no. 12 (2015), 345-483:

6 Raymond Kévorkian, *The Armenian Genocide. A Complete history* (London, New York: I.B. TAURIS,

գիտական արդյունքների վրա, որոնց տրամադրած տվյալները համադրվել են օտար ականատեսների<sup>7</sup> և օսմանյան փաստաթղթերի<sup>8</sup> հաղորդած տվյալների հետ: Հողվածում ներկայացվել են Հասան Չելերի կայանում տեղի ունեցած հիմնական գործողությունների ուրվագիծը, դրանց հաջորդականությունը: Այդ գործողությունները պայմանականորեն բաժանվել են երեք համակարգված փուլերի. թալան և կանանց նկատմամբ բռնություններ, տղամարդկանց հայտնաբերում և ձերբակալում, տղամարդկանց բանտարկություն և սպանել:

\*\*\*

Հասան Չելերի գյուղը և ճանապարհային կայանը տեղակայված էին Խարբերդի նահանգի Մալաթիայի գավառի Արդա սանջակում՝ Արաբկիր քաղաքից մոտ 52 կմ հարավ-արևմուտք՝ Մալաթիա-Սեբաստիա ճանապարհին<sup>9</sup>: Գյուղն ուներ թուրքական և քրդական 200 տուն բնակչություն<sup>10</sup>: Այն հաջորդում էր Սեբաստիա և Խարբերդ վիլայեթների սահմանագլխին տեղակայված Քոթթու խան անունը կրող կայանին՝ նախատեսված որպես թալանի և կոտորածի կայան, ոչնչացման համար թիրախավորելով գլխավորապես հասարակական դիրք զբաղեցնող տղամարդկանց: Հասան Չելերիում արդեն հիմնական թիրախ էին չափահաս տղամարդիկ՝ անկախ հասարակական դիրքից: Տարագրության այս փուլերն անցած հատուկենտ ծպտված տղամարդկանց, կանանց և երեխաների համակարգային ոչնչացման կամ ուժացման համար արդեն նախագծված էին հաջորդող՝ Հեքիմ Խան, Հասան Պատիկ, Ֆոնջլար կայանները:

Տեղահանությունների երթուղիների համատեքստում Հասան Չելերին հանգուցային կայան էր ինչպես Սեբաստիա քաղաքի 15 քարավանների և վիլայեթի այլ բնակավայրերի հայերի, այնպես էլ հարակից շրջանների տարագրյալների համար: Կայանը մի քանի հիմնական երթուղիների մաս էր կազմում: Դրանցից մեկը՝ նախատեսված Սեբաստիա քաղաքի և շրջակա բնակավայրերի համար, սկսվում էր Սեբաստիա քաղաքում և ձգվում դեպի Թեջիր խան, Մաղարա, Կանգալ, Ալաջա խան, Քոթթու խան, իսկ արդեն Խարբերդի վիլայեթում հասնում Հասան Չելերի, շարունակվում դեպի Հեքիմ խան, Հասան Պատրիկ, Ֆոնջլար և ձգվում հարավ: Սեբաստիայի վիլայեթի հյուսիս-արևմտյան մասի և հարակից շրջանների համար նախատեսված մյուս երթուղին անցել է Սամսուն, Մարգվան, Ամասիա, Եվդոկիա, Շարգըշլա, Կան-

2011); Սեպուհ Ակունի, *Միլիոն մը հայերու ջարդի ամբողջական պատմությունը (1914-1918)* (Կ.Պոլիս, Հայաստան գրատան հրատ., 1921):

7 Երուսաղ Քասունի, *Քննական ակնարկ «Միլիոնների հերոսի»-ի 1915-1918 թթ. հայ ժողովուրդի ցեղասպանության և վերածնունդի մասին արձանագրած վկայագրություններուն* (Պեյրուֆ, Մ.Ա.Հ.Ա.Ե. միութեան հրատարակչական գրասենյակ, 2012):

8 Clark University, Digital Commons, The Krikor Guerguerian Archive, “03 Captain Fazil Bey III,” [https://commons.clarku.edu/pd\\_fazil\\_bey/3](https://commons.clarku.edu/pd_fazil_bey/3), դիտվել է 06.05.2019:

9 Թադևոս Խ. Հակոբյան, Ստեփան Տ. Մելիք-Բախշյան, Հովհաննես Խ. Բարսեղյան, *Հայաստանի և հարակից շրջանների տեղանունների բառարան*, հատոր 3 (Երևան, Երևանի համալսարանի հրատ., 1991), 370:

10 Տե՛ս Ա. հ., *Սեբաստիա*, 124:

գալ, Քյոթու խան հետագծով և նաև Հասան Չելեբի կայանով: Վերոնշյալ երկու երթուղիներին միացել է նաև երրորդ երթուղին, որը սկսվելով մերձսևծովյան բնակավայրերից՝ Օրդուից և Կիրասունից, շարունակվել է դեպի Շապին Գարահիսար, Սուշեհիր, Չառա, Հաֆիզ, Սերաստիա քաղաք, միավորվել Կանգալ, Քյոթու խան երթուղուն և հասել Հասան Չելեբի կայան: Ինչպես մյուս կայանների պարագայում, այստեղ նույնպես հայերի դեմ գործողություններին ներգրավված էին օսմանյան պետական և երիտթուրքական կուսակցական մարմինները:

Անցնող քարավանների թալանի ու սպանությունների պատասխանատուները *Թեշքիլաթը մահուտե*-ի ներկայացուցիչներն էին, ժանդարմերիան, տեղական իշխանությունները և այլ պետական կառույցների պաշտոնյաներ:

1914 թ. մարտի 27-ից Արդայի կայանկամի պաշտոնը զբաղեցրել է Վասիֆ բեյը, ում 1915 թ. հուլիսի 23-ին փոխարինել է Ասիմ բեյը<sup>11</sup>: Կայանի հանցագործություններն իրականացվել և առաջնորդվել են ժանդարմների պաշտոնով ծպտված անձանց կողմից: Նշված ժամանակահատվածում Արդա սանջակի ժանդարմերիայի հրամանատարը Ալի Չավուչն էր, որը նաև կառավարել է Հեքիմ խան անցումային կայանի գործողությունները: Հասան Չելեբիում բուն գործողություններն իրականացնողներից էին Մուխթար Միրզան, որի գործունեության ոլորտի մասին տեղեկություններ չկան, և առևտրական Ուլաշոլու Իբրահիմօղլու Հյուսեինը: Վերջիններս պատասխանում էին սպանությունների և մեծ ծավալներով ապրանքների գողության համար: Նրանք նաև կասկածվում էին բռնաբարությունների մեջ<sup>12</sup>: Հյուսնի էֆենդին՝ Աջըրդաղի վիճակագրական ծառայության պետը, մասնակցել է Հասան Չելեբի – Հեքիմ խան կայանների միջև տեղի ունեցած բռնաբարություններին և թալանին<sup>13</sup>: Դատելով կայանում տեղի ունեցած գործողությունները վերահսկող և իրականացնող անձանց կազմից՝ կարող ենք եզրակացնել, որ այդ գործողությունների կազմակերպումը և իրագործումը տեղի են ունեցել պետական և կուսակցական մարմինների կարևորագույն օղակների ներգրավմամբ:

### Առաջին փուլ. թալան և կանանց նկատմամբ բռնություններ

Հասան Չելեբի հասնելուն պես տարագրյալների քարավաններին տեղավորում էին մոտակա լեռների ստորոտներում՝ ձորի մեջ, գետի եզրերին<sup>14</sup>: Քարավանների՝ ճամբար խփելուց հետո գյուղի բնակչությունը հազարի հասնող խմբերով առևտուր անե-

11 Այս փոփոխությունն անսպասելի էր, քանի որ այն իրականացվեց սանջակի տարածքով հայ տասնյակ քարավանների անցման կարևոր շրջափուլում: Ըստ Ռայմոնդ Գևորգյանի՝ տեղի ունեցածը կարող էր պայմանավորված լինել Վասիֆ բեյի՝ հրամանների կատարման անբավարար խստությամբ, սակայն հեղինակն ավելի հավանական է համարում, որ խնդիրը քարավաններից ձեռք բերված գողոնի «անարդար» վերաբաշխումն էր, տե՛ս Kévorkian, *The Armenian Genocide*, 418:

12 Տե՛ս Guerguerian, “03 Captain Fazil Bey III,” 235:

13 Տե՛ս նույն տեղում, 246:

14 Տե՛ս ՀԱԱ ֆ. 439, ց. 3, գ. 115, տե՛ս նաև՝ Րազուպեան, *Եղեռնաքաղ որսններ*, 72; Քօսեան, «Գանարիտա Գույունճեան», 400; Տէրտէրեան, «Արիւնի ճամբէս», 72; Լուսարարյան, *Մի կյանքի պարմություն*, 164; Գաբրանեան, *Ցասակ*, 65:

լու պատրվակով մտնում էր տարագրյալների շարքեր: Այցելությունների հիմնական նպատակը, ըստ վերապրողներից մեկի, հետախուզական բնույթ էր կրում՝ թալանի թիրախները պարզելու համար<sup>15</sup>: Կայանի շուրջ ծավալվող գործողությունների այս փուլում ուշադրության կենտրոնում էին հայտնվում կանայք և աղջիկները, որոնց զգուշացնում էին սպանդի սպառնալիքի մասին և փրկության դիմաց պահանջում ոսկի ու գոհարեղեն<sup>16</sup>: Սերաստիայի չորրորդ քարավանից մի հղի կնոջից պահանջել են ոսկի, սակայն, կասկածելով, որ վերջինս կարող էր կույ տված լինել այն, ճեղքել են նրա որովայնը՝ այդպես էլ չհայտնաբերելով փնտրածը<sup>17</sup>: Գործընթացն ուղեկցվել է կանանց ու աղջիկների բռնաբարություններով<sup>18</sup> ու հափշտակություններով<sup>19</sup>: Այս վտանգներից պաշտպանվելու համար կանայք փորձել են ծալտվել՝ դեմքներին հող, ցեխ, մոխիր քսելով, սակայն ապարդյուն<sup>20</sup>: Այսպիսով, այս փուլի բնորոշ հատկանիշները թալանը և կանանց նկատմամբ կիրառված բռնություններն են, որոնք շատ հաճախ զուգահեռ էին տեղի ունենում: Այս գործողությունները ոչ միայն շահութաբեր էին դրանք իրականացնողների համար, այլև թուլացնում և սպառում էին քարավանի վերապրելու միջոցները:

### Երկրորդ փուլ. տղամարդկանց հայտնաբերում և ձերբակալում

Երկրորդ փուլում սկսվել է կայանի հիմնական գործառույթի իրականացումը՝ տղամարդկանց առանձնացումը: Ըստ հրահանգի՝ հարկավոր էր հայտնաբերել քարավանի բոլոր տղամարդկանց և ձերբակալել: Գործընթացը կազմակերպվում էր ժանդարմերիայի և գյուղի քուրդ բնակչության համագործակցությամբ: Զինված քրդերը<sup>21</sup>, ժանդարմների հրամանով և գործակցությամբ<sup>22</sup>, խուզարկել են քարավանները<sup>23</sup> և ձերբակալել<sup>24</sup>, ըստ տարբեր աղբյուրների, 8<sup>25</sup>, 10<sup>26</sup>, 9-12<sup>27</sup> տարեկանից մինչև

15 Տե՛ս Լուսարարյան, *Մի կյանքի պայրմություն*, 164:

16 Տե՛ս նույն տեղում:

17 Տե՛ս Գասմանեան, «Պապրմություն Վարդանուշ Գասմանեանի», 171-172:

18 Տե՛ս Տերտերեան, «Արիևի ճամբէս», 78:

19 Տե՛ս Պեկեան, «Անասիայի հայ փարագրեակները», տե՛ս նաև՝ Համբարձումյան, *Գիտաշխարհ*, 227, 234:

20 Տե՛ս Գասմանեան, «Պապրմություն Վարդանուշ Գասմանեանի», 171-172:

21 Տե՛ս Գաբրիկեան, *Եղեռնապատում*, 171, տե՛ս նաև՝ Տերտերեան, «Արիևի ճամբէս», 72; Համբարձումյան, *Գիտաշխարհ*, 227, 237:

22 Տե՛ս Տերտերեան, «Արիևի ճամբէս», 72:

23 Տե՛ս Սիմոնեան, *Յուշանամուսն*, 670, տե՛ս նաև՝ Հուշագրական ժառանգություն, 191:

24 Տե՛ս Քուեան, «Գանափիրա Գոյումենեան», 400, տե՛ս նաև՝ Լուսարարյան, *Մի կյանքի պայրմություն*, 168; Բագուպեան, *Եղեռնաքաղ որաներ*, 74; Գաբրանեան, *Յասակ*, 65; Հուշագրական ժառանգություն, 212:

25 Տե՛ս Գաբրիկեան, *Եղեռնապատում*, 184:

26 Տե՛ս Գասմանեան, «Պապրմություն Վարդանուշ Գասմանեանի», 172:

27 Տե՛ս նույն տեղում, տե՛ս նաև՝ Համբարձումյան, *Գիտաշխարհ*, 223:

75<sup>28</sup>, 80<sup>29</sup> տարեկան և ավելի բարձր տարիքի տղամարդկանց: Գործողություն իրականացնողներն անցնում էին բոլոր ընտանիքների առջևով, մտնում վրաններ և փնտրում տղամարդկանց<sup>30</sup>: Թաքնված տղամարդկանց բացահայտելու նպատակով խոշտանգում էին կանանց<sup>31</sup>, ապա, գնդակահարության սպառնալիքով, տղամարդկանց կանանցից գատում<sup>32</sup>: Գիտակցելով տղամարդկանց սպառնացող վտանգը՝ տարագրյալները դիմում էին թաքնվելու տարբեր հնարքների: Կանայք փորձում էին թաքցնել տղամարդկանց կտորեղենների<sup>33</sup>, վերմակների<sup>34</sup>, կառքերի<sup>35</sup> ու կարպետների տակ կամ նստում էին նրանց վրա<sup>36</sup>: Ժանդարմներին և քրդերին մոլորեցնելու համար, թե իբր իրենց ամուսիններին արդեն ձերբակալել են, կանայք ցուցադրաբար ողբում էին, ինչը որոշ դեպքերում արդյունավետորեն կանխում էր խուզարկումները<sup>37</sup>:

Տղամարդկանց թաքնվելու ամենատարածված հնարքներից մեկը կանանց հագուստով ծալվելն էր<sup>38</sup>: Ոմանք փոքր երեխաների գրկած<sup>39</sup> նույնիսկ ձևացնում էին, թե իբր կերակրում են<sup>40</sup>: Այս եղանակով կայանից փրկվել են պրոֆեսորներ Ռուբեն Ռագուպյանը, Սենեքերիմ Դալոնջյանը, Համբարձում Պլեջյանը<sup>41</sup> և անգամ հոգևորականներ<sup>42</sup>: Որոշ հուշագրություններում արձանագրված են տղամարդկանց փախուստի հաջողված դեպքեր<sup>43</sup>: Կան նաև դեպքեր, երբ տղամարդիկ մտածել են փախուստի մասին, սակայն չեն փախել, ապա ձերբակալվել և սպանվել են<sup>44</sup>: Պահպանված են նաև տղամարդկանց թաքնվելու փորձերի մասին տեղեկություններ: Հասան Չելեբիի լեռնային լանդշաֆտը թաքնվելու հնարավորություններ էր ընձեռում, ինչից օգտվելով՝

28 Տե՛ս Գաբիկեան, *Եղեռնասպարում*, 178:

29 Տե՛ս նույն տեղում, 181:

30 Տե՛ս նույն տեղում, 178, տե՛ս նաև՝ Տերտերեան, «Արիւնի ճամբէս», 72:

31 Տե՛ս Տերտերեան, «Արիւնի ճամբէս», 72:

32 Տե՛ս Չուգարզեան Վահան, «Բզբոտուած Սերաստիան», *Երիտասարդ Հայաստան* (Շիրակո), 11 հոկտեմբեր 1919:

33 Տե՛ս Համբարձումյան, *Գիղաշխարհ*, 234; տե՛ս նաև՝ Տերտերեան, «Արիւնի ճամբէս. Դէպի Գողգոթան», 72:

34 Տե՛ս *Հուշագրական ժառանգություն*, 191:

35 Տե՛ս Գաբիկեան, *Եղեռնասպարում*, 177, տե՛ս նաև՝ Սիմոնեան, *Յուշամարեան*, 670:

36 Տե՛ս Լուսարարյան, *Մի կյանքի պարմություն*, 170-171:

37 Տե՛ս Գաբիկեան, *Եղեռնասպարում*, 178, տե՛ս նաև՝ Սիմոնեան, *Յուշամարեան*, 670:

38 Տե՛ս Գաբիկեան, *Եղեռնասպարում*, 198, 200, տե՛ս նաև՝ Գասմանեան, «Պարմություն Վարդանուշ Գասմանեանի», 172; Տերտերեան, «Արիւնի ճամբէս», 95:

39 Տե՛ս Ակունի, *Միլիոն մը հայերու ջարդի*, 96:

40 Տե՛ս Տերտերեան, «Արիւնի ճամբէս», 72:

41 Տե՛ս Ակունի, *Միլիոն մը հայերու ջարդի*, 96:

42 Տե՛ս Գաբիկեան, *Եղեռնասպարում*, 191, տե՛ս նաև՝ Համբարձումյան, *Գիղաշխարհ*, 223:

43 Տե՛ս Քասունի, *Քննական ակնարկ*, 57:

44 Տե՛ս Տերտերեան, «Արիւնի ճամբէս», 72-73: Ալեքսանդրեան, ՀԱԱ, ֆ.439, ց.3, գ.115:

տղամարդիկ թաքնվում էին շրջակայքի ձորակներում<sup>45</sup>: Սակայն քրդերի կողմից հայտնաբերվելուց հետո թաքնվածները հանձնվում էին ժանդարմներին<sup>46</sup>: Սուրբ Սարգիս եկեղեցու քարավանից տղամարդկանց ազատ արձակելու համար պահանջվել է հինգ ոսկի լիրա կաշառք, որը չտրամադրելու դեպքում վերջիններիս սպառնում էր բանտարկություն<sup>47</sup>:

Կաշառքի արդյունավետ կիրառման դեպքերից<sup>48</sup> բացի (օրինակ, երբ մի քանի կին, քուրդ մյուդիիրին կաշառելով, ազատել են մի քանի տասնյակ տղամարդկանց<sup>49</sup>)՝ կային դեպքեր, երբ կաշառքի մուծումը չէր փրկում ձերբակալվածներին<sup>50</sup>, կամ կաշառք էր գանձվում արդեն սպանված բանտարկյալներին ազատելու համար<sup>51</sup>: Ակնկալվող գումարից քիչ տրամադրվող կաշառքը նույնպես բավարար չէր ձերբակալվածների կյանքը փրկելու համար<sup>52</sup>:

Ըստ Հայկանույշ Չառացյանի վկայության, Սուրբ Սարգիս եկեղեցու թաղի տղամարդկանց ոտքերը կապել և պայտել էին, ձեռքերը՝ գամել<sup>53</sup>, իսկ կանանց կանգնեցնում էին խարույկի շուրջ և նրանց աչքի առջև ստորացուցիչ կերպով ծեծում և այրում էին տղամարդկանց<sup>54</sup>, իսկ կանանց պարտադրում հետևել այդ տեսարանին<sup>55</sup>:

Չնայած գործողությունների անթաքույց հանցավոր բնույթին՝ օտար ականատեսի ներկայությամբ փորձեր էին կատարվում դրանց տալու պաշտոնական ձև: Օրինակ՝ մի քրդի բազկին կարել էին կարմիր կտոր և տվել արտոնություն թալանելու ու կեղեքելու որպես ժանդարմ<sup>56</sup>:

Տղամարդկանց գատումից և բանտարկությունից հետո որոշ դեպքերում քարավանին ստիպում էին շարունակել ճանապարհը<sup>57</sup>: Եղել են նաև դեպքեր, երբ քարավանը պահել են մի քանի օր և շարունակել խուզարկությունները, ձերբակալություններն ու թալանը<sup>58</sup>: Հասան Չելեբին լքելուց հետո քարավանի վրա էին հարձակվում քրդեր և

45 Տե՛ս Գաբրիկեան, *Եղեռնապատում*, 176:

46 Տե՛ս Տերտերեան, «Արիւնի ճամբէս», 75:

47 Տե՛ս Չառացյան, «Սըվազ», տե՛ս նաև՝ Գաբրիկեան, *Եղեռնապատում*, 199:

48 Գաբրիկեան, *Եղեռնապատում*, 200, տե՛ս նաև՝ *Անբասարանագիր-տեղեկագիր Սեբաստիոյ կուսակալութեան*, 179; Տերտերեան, «Արիւնի ճամբէս», 73:

49 Գասմանեան, «Պատմություն Վարդանուշ Գասմանեանի», 172:

50 Լուսարարյան, *Մի կյանքի պատմություն*, 171, տե՛ս նաև՝ Տերտերեան, «Արիւնի ճամբէս», 72:

51 Տե՛ս Համբարձումյան, *Գիւղաշխարհ*, 237:

52 Տե՛ս *Հուշագրական ժառանգություն*, 191:

53 Տե՛ս Չառացյան, «Սըվազ», 114:

54 Տե՛ս նույն տեղում:

55 Տե՛ս Գաբրիկեան, *Եղեռնապատում*, 200:

56 Տե՛ս Քասունի, *Քննական ակնարկ*, 57:

57 Տե՛ս Գաբրիկեան, *Եղեռնապատում*, 178: *Հուշագրական ժառանգություն*, 191, 212:

58 Տե՛ս Տերտերեան «Արիւնի ճամբէս», 72-78, տե՛ս նաև՝ Քոսեան, «Գանդիպա Գոյումճեան», 400-403:

կողոպտում արքայազններին ու գյուղում մնացած սայլերը<sup>59</sup>: Սեբաստիայի Սուրբ Գևորգ թաղի քարավանի կանայք գյուղը լքելիս լսել են սպանությունների աղաղակներ և փորձել են վերադառնալ ամուսինների մոտ, ինչը նրանց արգելվել է, իսկ դիմադրողները սպանվել են<sup>60</sup>: Հայտնի է նաև դեպք, երբ քարավանն ընդդիմանալով մնացել է գյուղում<sup>61</sup>:

Վերը նշված բացառություններով և ամեն քարավանի առանձնահատկություններով հանդերձ, կարող ենք պնդել, որ այս փուլի հիմնական գործառույթը տղամարդկանց առանձնացումն ու ձերբակալումն էր, ինչն ուղեկցվել է թալանով՝ ուղղակի կամ կաշառքի միջոցով:

### **Երրորդ փուլ. տղամարդկանց բանտարկություն և սպանո**

Ըստ Հասան Չելեբիի կառավարչի՝ կայան հասած քարավանների տղամարդկանց սպանությունները նախատեսված էին կայսրության բարձրագույն *իրապրևու*<sup>62</sup> և շելխու-իսլամի շարիական *ֆեթվայու*<sup>63</sup>:

Ձերբակալված տղամարդկանց բանտարկում էին գյուղի հրապարակում գտնվող շինություններում, որտեղ նաև տեղակայված էր կառավարչի գրասենյակը, որը համակարգում էր կայանի գործառույթները: Ըստ վկայությունների կարելի է տարբերակել երկու առանձին շինություններ. մեկը՝ պանդոկանման<sup>64</sup>, մյուսը՝ ընդարձակ, խարխուլ գոմ<sup>65</sup>: Ըստ հուշագիրներից մեկի՝ շինությունները կարող էին տեղավորել 40-50 մարդ, սակայն այնտեղ միանգամից բանտարկում էին 150-ից ավելի տղամարդկանց<sup>66</sup>: Սրահների տարողունակությունը և մարդկանց քանակի խիստ անհամապատասխանությունը ստեղծում էին կյանքի համար վտանգավոր պայմաններ՝ հանգեցնելով շնչափութայան, ուշաթափության և մահվան: Հատկանշական է, որ բանտարկության համար նախատեսված շինությունների հսկողությունը վստահված էր երկու անգեն պահակների<sup>67</sup>: Բանտարկվածներն օդի պակասից շնչափութ էին լինում<sup>68</sup>: Ըստ Սեբաստիայի Պեքմեզ-Սոխախ թաղի քարավանի մեջ եղած Սեպուհ Լուսարարյանի՝ տղամարդկանց բանտարկության պայմաններն այնքան անտանելի էին, որ բանտարկյալներն աղերսում էին գնդակահարություն, միայն թե դուրս գային

59 Տե՛ս Ջառացյան, «Մըվազ», 114:

60 Տե՛ս Չուգաբզեան, «Բզբրուած Սեբաստիան»:

61 Տե՛ս Գաբիկեան, *Եղեռնասպարում*, 181:

62 Իրատե՛ - կայսերական հրամանագիր:

63 Ֆեթվա - կրոնական բարձրագույն անձի վճիռ: Տե՛ս Գաբիկեան, *Եղեռնասպարում*, 186:

64 Տե՛ս ՀԱԱ ֆ.439, ց.3, գ.115, տե՛ս նաև՝ Գաբրուանեան, *Ցառակ*, 65:

65 Տե՛ս Գասմանեան, «Պատմություն Վարդանուշ Գասմանեանի», 172, տե՛ս նաև՝ Լուսարարյան, *Մի կյանքի պատմություն*, 174; Սվազյան, *Հայոց ցեղասպանություն*, 326:

66 Տե՛ս Գաբիկեան, *Եղեռնասպարում*, 180, տե՛ս նաև՝ Սվազյան, *Հայոց ցեղասպանություն*, 326:

67 Տե՛ս Լուսարարյան, *Մի կյանքի պատմություն*, 174:

68 Տե՛ս նույն տեղում, 172-173:

շնչելու<sup>69</sup>: Եղել է դեպք, երբ տղամարդիկ այս պայմաններում, առանց սննդի և ջրի, ոտքի վրա մնացել են մեկ օր<sup>70</sup>: Ջուր տալու և ուշքի բերելու նպատակով նվաղողներին հատ-հատ հանում էին դուրս: Բացի այդ, արձանագրված է դեպք, երբ բանտարկյալներին դուրս բերելուց հետո հաց և ջուր է բաժանվել<sup>71</sup>: Գրանցվել են նաև բանտարկվածների կողմից դռները կոտրելու և դիմադրություն ցույց տալու փորձեր<sup>72</sup>: Ըստ մեկ վկայության՝ ուշագնացների թիվը երբ աճել է, բոլորին հանել են դուրս և նստեցրել բանտի պատի տակ<sup>73</sup>: Որոշակի ժամանակ պահելուց հետո տղամարդկանց դուրս էին բերում՝ ներկայացնելու կառավարչին: Թեև ժանդարմները փորձում էին բանտարկյալներին հերթով դուրս բերել, նրանց խտության և ճնշվածության պատճառով մարդկային խմբերն անկանոն դուրս էին պրծնում<sup>74</sup> և շտապում մոտակա առվակի (իրականում արտաքնոցի) կեղտոտ ջուրը խմելու<sup>75</sup>: Բանտարկված տղամարդկանց դուրս բերելուց հետո նրանց տանում էին մոտակա շինության՝ կառավարչական շենքի մոտ, որտեղ պետք է ներկայանային զինված քրդերով շրջապատված կառավարչին<sup>76</sup>:

Կառավարչի հետ հանդիպումը, փաստորեն, արքայալների՝ մահից խուսափելու վերջին հնարավորությունն էր: Այդ հնարավորությունից օգտվելով՝ տղամարդիկ աղերսում էին փրկություն<sup>77</sup>: Այս եղանակով են փրկվել Սեբաստիայի Պեքմեզ-Մոխախ թաղի քարավանի տղամարդիկ: Կառավարիչն առաջարկել է խմբի ավագներին՝ Ազգային հիվանդանոցի տեսուչ Մանուկ Էֆենդի Հեքիմյանին, նրա եղբայր Միհրանին և ևս մի քանի մարդու յուրաքանչյուրի համար վճարել հինգական ոսկի փրկագին: Այս պայմանավորվածության արդյունքում փրկագնով ազատվել է 18-20 մարդ, ևս 15-20 տղամարդկանց ազատ են արձակել առանց փրկագնի<sup>78</sup>:

Գրանցվել է դեպք, երբ կեսգիշերին հաղորդվել է, թե իբր խղճահարությունից դրդված՝ Հասան Չելեբի գյուղի կառավարիչը հրամայել է տղամարդկանց ազատ արձակել և ի պատասխան պահանջել փրկագինը, որ իր ընտրած 2-3 հայերի միջոցով պետք է հաջորդ օրը ստանար: Տարագրյալները, իրար աջակցելով, հավաքել են գումարը և փոխանցել<sup>79</sup>: Սակայն հաջորդ օրվա երեկոյան մի խումբ զինված քրդեր մի քանի փուլով կրկին բանտարկել են նրանց<sup>80</sup>:

69 Տե՛ս նույն տեղում, 172:

70 Տե՛ս *Հուշագրական ժառանգություն*, 212:

71 Տե՛ս Լուսարարյան, *Մի կյանքի պատմություն*, 173:

72 Տե՛ս Գաբրիկեան, *Եղեռնապատում*, 180:

73 Տե՛ս Գաբտանեան, *Ցաւակ*, 66:

74 Տե՛ս Գաբրիկեան, *Եղեռնապատում*, 181:

75 Տե՛ս նույն տեղում:

76 Տե՛ս Լուսարարյան, *Մի կյանքի պատմություն*, 173:

77 Տե՛ս Գաբրիկեան, *Եղեռնապատում*, 181, տե՛ս նաև՝ Լուսարարյան, *Մի կյանքի պատմություն*, 173:

78 Տե՛ս նույն տեղում:

79 Տե՛ս նույն տեղում, 165:

80 Տե՛ս նույն տեղում, 169-170:



Առավել մեծ թվով ներում է շնորհվել Սեբաստիա քաղաքից մեկնած վերջին քարավանների տղամարդկանց՝ ներկայացնելով դա որպես կայսերական ներում<sup>81</sup>, որը, սակայն, չէր տարածվում որոշ աչքի ընկնող տղամարդկանց վրա<sup>82</sup>: Ըստ Հովհաննես Ալեքսանդրյանի վկայության, որը չի տալիս եղելության մանրամասները, իր քարավանից բանտարկված շուրջ 50 տղամարդու ազատ են արձակել<sup>83</sup>: Փրկության այս վերջին հնարավորությունից հետո տղամարդկանց այլ վայր տեղափոխելու պատրվակով հանել են, գույգ-գույգ կապել<sup>84</sup> և առաջնորդել դեպի նախապես պատրաստված սպանդի տեղանք՝ լեռ, ապա հարթավայրի միջով՝ ձորի եզր<sup>85</sup>: Տղամարդկանց ոչնչացման գործընթացի այս փուլը հիմնականում տեղի էր ունենում կեզգիշերից հետո<sup>86</sup>: Խմբին ուղեկցում էին զինված ժանդարմներ և պահապան զինվորներ<sup>87</sup>, երբեմն՝ նաև զինված գյուղացիներ<sup>88</sup>: Նախանշված վայրին մոտենալիս ուղեկցող ժանդարմներն օդ էին կրակում, այսպիսով նշան տալիս տեղանքում դարանակալած և հարձակման սպասող քրդերին<sup>89</sup>: Ազդանշանին հաջորդում էր քրդերի հարձակումը, որոնց խմբերում ներառված էին նաև կանայք<sup>90</sup>:

Խմբին առաջնորդում են դեպի անդունդի եզրի ժայռերի մոտ, մերկացնում են, թալանում, դանակահարում, կացնահարում<sup>91</sup> կամ գնդակահարում<sup>92</sup> և վերջում շարտում են ձորը<sup>93</sup>: Նման մի դիպվածի ժամանակ, երբ Սեբաստիայի Պեքմեզ-Սոխայս թաղի քարավանից մնացել են 8-10 գույգ իրար կապված երիտասարդներ, մոտեցել է մի զինվորական համազգեստով ձիավոր և իր մոտ կանչելով թրքախոս ջարդարարներից մեկին՝ հիշեցրել անչափահասներին խնայելու հրահանգի մասին և պատանիներից ստանալով իսլամանալու խոստում՝ ազատել նրանց<sup>94</sup>: Սպանությունների այս վերջին փուլը տևել է 3-4 ժամ<sup>95</sup> և ուղեկցվել մարմնի մասնատումներով, գլխատումներով

81 Տե՛ս Գաբրիկեան, *Եղեռնապատում*, 186:

82 Տե՛ս նույն տեղում:

83 Տե՛ս ՀԱԱ ֆ.439, ց.3, գ.115, 23:

84 Տե՛ս Գամանեան, «Պատմություն Վարդանուշ Գամանեանի», 172:

85 Տե՛ս Գաբրիկեան, *Եղեռնապատում*, 200, տե՛ս նաև՝ Լուսարարյան, *Մի կյանքի պատմություն*, 174; Գաբտանեան, *Ցաւակ*, 66; *Հուշագրական ժառանգություն*, 212:

86 Տե՛ս Քօսեան, «Գանդիլիս Գոյումենեան», 401, տե՛ս նաև՝ Գաբրիկեան, *Եղեռնապատում*, 175; Սվազյան, *Հայոց ցեղասպանություն*, 326:

87 Տե՛ս Գաբտանեան, *Ցաւակ*, 66, տե՛ս նաև՝ *Հուշագրական ժառանգություն*, 212:

88 Տե՛ս Գաբտանեան, *Ցաւակ*, 66:

89 Տե՛ս Գաբրիկեան, *Եղեռնապատում*, 175, 181:

90 Տե՛ս Լուսարարյան, *Մի կյանքի պատմություն*, 175:

91 Տե՛ս Սարգսյան, «Պատմության կարմիր, սև էջեր», 91, տե՛ս նաև՝ Համբարձումյան, *Գիւղաշխարհ*, 223; *Հուշագրական ժառանգություն*, 212:

92 Տե՛ս Գաբտանեան, *Ցաւակ*, 66:

93 Տե՛ս Լուսարարյան, *Մի կյանքի պատմություն*, 175:

94 Տե՛ս նույն տեղում, 176:

95 Տե՛ս Գաբտանեան, *Ցաւակ*, 66:

և այլ ծայրահեղ դաժանություններով<sup>96</sup>: Սպանություններն իրագործած քրդերը գողացել են ընդհուպ մինչև սպանվածների արյունոտված հագուստները և դրանք հագած կամ ձեռքներում բռնած՝ վերադարձել գյուղ<sup>97</sup>: Ըստ այս փուլը վերապարծի բառացի վկայության՝ մի զինված քուրդ հայտարարել է, որ բոլոր տղամարդկանց՝ որպես իսլամի թշնամիներ, պիտի խողխողենին, իսկ ով վճարեր մեկ<sup>98</sup> կամ երկու ոսկի<sup>99</sup>՝ գնդակի գինը, կգնդակահարվեր: Երբ առավոտյան Գոչխասրի քարավաններից մեկի կանայք ցանկություն են հայտնել այցելելու իրենց ամուսիններին գումար և սնունդ տալու համար, նրանց հաղորդել են, որ տղամարդիկ սպանվել են լեռան հետևում և կանանց ծեծելով վռնդել են<sup>100</sup>:

Եղել են զանգվածային սպանությունից մազապուրծ եղած և կացնահարումից<sup>101</sup> կամ այլ խոշտանգումներից ծանր վիրավորվածներ, որոնք հետագայում միացել են քարավանին<sup>102</sup>: Ըստ մեկ վերապրողի՝ հետևում են մնացել նաև այլ ծանր վիրավորներ, որոնք ի վիճակի չեն եղել դուրս գալու դիակների տակից<sup>103</sup>, սակայն փրկվածները չեն համարձակվել վերջիններիս իրենց հետ տեղափոխել<sup>104</sup>:

Հայտնի է նաև կանանց զանգվածային բանտարկության դեպք, երբ Սամսոնի քարավաններից մեկի տղամարդկանց սպանությունից հետո հավաքել են շուրջ 100 կանանց և բանտարկել մի տան մեջ, խուզարկել և թալանել: Ինչպես վերը նկարագրված գործընթացում, կանանց նույնպես կուտակել են նրանց քանակի հետ անհամատեղելի փոքրիկ սենյակում՝ առանց բնական կարիքների գոհացման թույլտվության: Կառավարական մի պաշտոնյա կանանց առաջարկել էր ազատել բանտարկությունից, եթե վերջիններս իսլամ ընդունեն<sup>105</sup>: Ընդունողներին ազատել են, իսկ հրաժարվողներին՝ շուրջ 35 հոգի, որոնցից 6-7-ը՝ կաթոլիկ մայրապետներ, իջեցրել են ձոր, որպեսզի սպանեն, սակայն չեն սպանել՝ պատճառաբանելով սուլթանական ներումով<sup>106</sup>: Գյուղի կառավարչի հետ քարավանի գեղեցիկ կանանցից մեկի հետ ամուսնանալու պայմանով քարավանին տրվել են Մալաթիա անվտանգ հասնելու երաշխիքներ<sup>107</sup>: Մինչ այդ

96 Տե՛ս Գասմանեան, «Պարսկություն Վարդանուշ Գասմանեանի», 172:

97 Տե՛ս նույն տեղում, 172, տե՛ս նաև՝ Պեկեան, «Ամասիայի հայ ցարազրեալները»; Գաբունեան, Ցաւակ, 66:

98 Տե՛ս Լուսարարյան, Մի կյանքի պարսկություն, 175:

99 Տե՛ս Ակունի, Միջին մը հայերու շարդի, 96:

100 Տե՛ս Ա. հ., Սեքսադիա, 124:

101 Տե՛ս Գաբիկեան, Եղեռնապատում, 179, տես նաև՝ Սարգսյան, «Պարսկության կարմիր, սև էջեր», 91; Համբարձումյան, Գիւղաշխարհ, 223; Բագուպեան, Եղեռնաքաղ որաներ, 81; Սվազյան, Հայոց ցեղասպանություն, 326:

102 Տե՛ս Հուշագրական ժառանգություն, 212:

103 Տե՛ս Գաբիկեան, Եղեռնապատում, 184:

104 Տե՛ս Գասմանեան, «Պարսկություն Վարդանուշ Գասմանեանի», 172:

105 Տե՛ս Գաբունեան, Ցաւակ, 67:

106 Տե՛ս նույն տեղում, 67-68:

107 Տե՛ս նույն տեղում, 68-70:

այս կանանց քարավանը արդեն լքել էր կայանը, և խումբը վերադարձել է իջևանած վայր, ապա միացել հաջորդ քարավանին<sup>108</sup>:

Հասան Չելերի կայանում տեղի ունեցած սպանությունների ծավալներն ամփոփելու համար ներկայացնենք ձերբակալված և սպանված տղամարդկանց քանակի վերաբերյալ մեր ձեռքի տակ եղած տվյալները: Ըստ Կարապետ Գաբրիլյանի՝ Սեբաստիա քաղաքի 15 քարավաններից յուրաքանչյուրից այստեղ սպանվել է 300-500 տղամարդ<sup>109</sup>: Պեքմեզ-Սոխախի թաղի քարավանից, որի մեջ էր Կարապետ Գաբրիլյանը, կայանում սպանվել է 300 մարդ<sup>110</sup> և 300-ից ավելի՝ Սեբաստիայից դուրս եկած երրորդ քարավանից<sup>111</sup>: Նույնքան էլ սպանվել են Սեբաստիայի Սարը-Շելյս թաղի քարավանից<sup>112</sup>: Մայր եկեղեցու թաղի քարավանից բանտարկվել է մինչև 500 մարդ<sup>113</sup>, որոնցից շուրջ 300-ը<sup>114</sup> սպանվել է: Սամսոնի քարավաններից մեկից, որի մեջ էր Փայլածու Գաբրուսյանը, ձերբակալվել և սպանվել է 100-ից ավելի տղամարդ<sup>115</sup>: Ըստ մի քանի վկայության՝ նույնչափ սպանվել են Ամասիայի քարավաններից մեկից<sup>116</sup>: Ըստ մի անստորագիր վկայության՝ Գոչիսար գյուղից սպանվել են 100-200<sup>117</sup>, Ամասիայի մեկ այլ քարավանից, ըստ Հեղինե Բեկյանի՝ 200 հոգի<sup>118</sup>:

### Մայր եկեղեցու թաղի քարավանի պարագան

Հասան Չելերի կայանում հատուկ թիրախավորվել են նաև Սեբաստիա քաղաքի հարուստները<sup>119</sup>: Սրա ցցուն դրսևորումներից են օգոստոսի առաջին օրերին կայան ժամանած Սեբաստիայի Մայր եկեղեցու թաղի քարավանի հետ տեղի ունեցած դեպքերը: Այս թաղը Սեբաստիայի հայաբնակ մեծ թաղերից էր, և հարուստ գերդաստանները մեծ մասամբ այստեղից էին: Այստեղ էին բնակվում հայ բարերարները, քահանաները, ուսուցիչները, ազգային գործիչները, և բնական է, որ նման համբավ ունեցող թաղի քարավանը պետք է հատուկ թիրախավորման ենթակա լիներ<sup>120</sup>: Քարավանի շուրջ 500 տղամարդկանց բանտարկել են և ազատ արձակելու համար պահանջել 500 ոսկի, ինչը բավարարվել է: Այնուհետև, առանց ելքի հրամանին սպա-

108 Տե՛ս Լուսարայան, *Մի կյանքի պատմություն*, 177:

109 Տե՛ս Գաբրիկեան, *Եղեռնասպալում*, 170:

110 Տե՛ս նույն տեղում, 179:

111 Տե՛ս նույն տեղում, 190:

112 Տե՛ս նույն տեղում, 186:

113 Տե՛ս նույն տեղում, 184:

114 Տե՛ս նույն տեղում, 185:

115 Տե՛ս Գաբրուսյան, *Յաւակ*, 66:

116 Տե՛ս Սիմոնեան, *Յուշամարեան*, 670:

117 Տե՛ս Ա. հ., *Սեբաստիա*, 124:

118 Տե՛ս Պեկեան, «Ամասիայի հայ տարագրեալները», 0008 շրջ.:

119 Տե՛ս Ակունի, *Միտոն մը հայերու ջարդի*, 96, տե՛ս նաև՝ Լևոն Մեսրոպ, *Աղէր եւ վերածնունդ*, 272:

120 Տե՛ս Գաբրիկեան, *Եղեռնասպալում*, 183-184:

սելու՝ քարավանը ճամփա է ընկնել<sup>121</sup>: Գումարը ստանալուց և տղամարդկանց որոշ մասին բաց թողնելուց հետո կառավարիչը նորից է փորձել ձերբակալել նույն տղամարդկանց, սակայն տեսնելով, որ քարավանն արդեն մեկնում էր, հետ է կանգնել այդ քայլից<sup>122</sup>: Հասան Չելեբիից դուրս գալուց 2-3 ժամ անց քարավանը կրկին կանգնեցրել են, սկսել են թալանել և ձերբակալել տղամարդկանց: Շատերին հաջողվել է թաքնվել: Ձերբակալել են 400-ից ավելի տղամարդկանց և բանտարկել մոտակայքում գտնվող մի խանում<sup>123</sup>՝ կրկին պահաջելով կաշառք՝ երկուական ոսկի: Շատերը վճարել են գումարով, մնացածը՝ թանկարժեք առարկաներով, ինչից հետո մոտ 100 տղամարդու ժամանակավորապես ազատ են արձակել: Մնացածին՝ շուրջ 300 տղամարդու, վերը նկարագրված եղանակներով սպանել են մոտակա ձորում<sup>124</sup>:

### Մերի Գրեֆենի ներկայության հանգամանքը

Մերի Գրեֆենը 1902 թ. Սերաստիայում գործունեություն ծավալած նշանավոր ամերիկացի միսիոներուհի է, ով գրառվել է կրթական և հասարակական հայանպաստ գործունեությամբ, տնօրինել է Սերաստիայի աղջկանց վարժարանը<sup>125</sup>: Գրեֆենը Կարինում պայքարել է բռնկված տիֆի համաճարակի դեմ<sup>126</sup>: Հայ բնակչության զանգվածային տարագրության սկզբին վերադարձել է Սերաստիա և փորձել աջակցել հայ աքսորյալներին<sup>127</sup>: Տեսնելով դպրոցի ուսուցիչների և աշակերտների բռնագաղթը՝ դիմել է կուսակալ Մուամմերին և ստանալով խմբերին ուղեկցելու և խնամելու արտոնություն<sup>128</sup>, քարավանների կարիքները հոգալու համար միացել է նրանց<sup>129</sup>:

Հուլիսի 11-ին Մերի Գրեֆենի քարավանը հասել է Հասան Չելեբի: Կայանում գտնվող նախորդ քարավանը քրդերը քարկոծելիս են եղել, սակայն Մերի Գրեֆենի հայտնվելուց հետո նման վերաբերմունքի դրսևորումները դադարել են դադարել է<sup>130</sup>: Կայանի կառավարիչն անձամբ է ներկայացել Գրեֆենի քարավան և հավաքել տղամարդկանց՝ ասելով, թե կայմականը ցանկություն է հայտնել արձանագրել նրանց անունները, որից հետո տղամարդիկ շուտով պիտի վերադառնային<sup>131</sup>:

121 Տե՛ս նույն տեղում, 184:

122 Տե՛ս նույն տեղում, 184-185:

123 Խան - իջևանատուն:

124 Տե՛ս Գաբիկեան, *Եղեռնապատում*, 185:

125 Տե՛ս Քասունի, *Քննական ակնարկ*, 208:

126 Տե՛ս նույն տեղում, 208-209:

127 Տե՛ս նույն տեղում, 100:

128 Տե՛ս նույն տեղում, 209:

129 Տե՛ս նույն տեղում, 398:

130 Տե՛ս Տեմիրճեան, *Չորս տարուան տատապանք*, 12-13:

131 Տե՛ս Քասունի, *Քննական ակնարկ*, 57:

Հաջորդ օրը տարված տղամարդկանցից մեկը վերադարձել է և պատմել, որ բոլորը հարկադրված էին հանձնել իրենց ամբողջ ունեցվածքը<sup>132</sup>: Գրանկից հետո ձերբակալությունները վերսկսվել են. ձերբակալվել են նախորդ գիշերը խույս տված տղամարդիկ: Այս ձերբակալումից հետո Մերի Գրեֆենը դիմել է կառավարչին և ամերիկյան կառավարության անունից սպառնացել՝ պահանջելով ազատել տղամարդկանց<sup>133</sup>: Նրան ի պատասխան՝ կառավարիչն ասել է, որ տղամարդիկ հետ են ուղարկվել Սերաստիա, սակայն ճանապարհին հանդիպած գյուղացիները հաղորդել են, որ նրանք սպանվել են<sup>134</sup>: Այսպիսով, օտար ականատեսի ներկայությունը զսպել է այն դաժանությունները և հախուռն թալանը, ինչին ենթարկվել էին նախորդ քարավանները: Բացի այդ, փորձ է կատարվել տղամարդկանց ձերբակալությանը տալ «օրինական» տեսք: Արդյունքում՝ այս փուլի ընթացքում քարավանի մի հատվածը խուսափել է բռնություններից, իսկ տղամարդկանց սպանություններն իրականացնելու համար կայանի պատասխանատուները ստիպված են եղել դիմել այնպիսի մեթոդների, որոնցով սպանությունների մասին տեղեկությունն առժամանակ կթաքցվեր օտար վկայից:

### Եզրակացություններ

1. Օսմանյան փաստաթղթերի և վերապրողների վկայությունների վերլուծությունը բերում է այն համոզման, որ կայանի գործունեությունը կազմակերպված է եղել քաղաքական և կրոնական բարձրագույն իշխանությունների ցուցումներով:

2. Հասան Չելեբի կայանում տեղի ունեցած գործողությունները կարելի է բաժանել երեք փուլի, ըստ որոնց՝ կայանի առաջին գործառնությունը թալանը և կանանց նկատմամբ կիրառվող բռնություններն էին, որին հաջորդում էին տղամարդկանց հայտնաբերումն ու ձերբակալումը, ապա կայանում (կամ դրանից ոչ հեռու) տղամարդիկ զանգվածաբար բանտարկվում և սպանվում են:

3. Հասան Չելեբի գյուղում իրականացված գործողությունների համակարգային բնույթը, դրանց ծավալը և արդյունքները հիմք են տալիս պնդելու, որ այն Սերաստիա վիլայեթի և հարակից շրջանների չափահաս հայ տղամարդկանց ոչնչացնելու հիմնական կայանն է եղել:

4. Ոչնչացումը դյուրացնելու և մեղքի բաժինը կիսելու համար գործողություններում ներգրավվել է նաև քուրդ բնակչությունը, որին շահագրգռել են հարստացմամբ: Սպանությունները քրդերի միջոցով կատարելն ազատում էր նաև սպանությունների իրագործման համար անհրաժեշտ ծախսերից: Սպանությունները հիմնականում իրականացվում էին ծայրահեղ դաժանությամբ՝ սառը զենքով: Գնդակահարության միջոցով արագ մահվան համար նույնիսկ պահանջվում էր կաշառք:

5. Քարավաններից մեկում օտար ականատես, ԱՄՆ քաղաքացի միսիոներուհի Մերի Գրեֆենի ներկայությունը ոչ լիարժեք, սակայն որոշակի կերպով ոճրագործների համար զսպող հանգամանք է եղել:

132 Տե՛ս նույն տեղում, 57:

133 Տե՛ս Գաբիկեան, *Եղեռնասպարում*, 191:

134 Տե՛ս Քասունի, *Քննական ակնարկ*, 57:

## **HASAN CELEBI: A STATION ON THE DEPORTATION ROUTE OF SEBASTIA**

*Key words:* Armenian Genocide, six vilayets, Sebastia, Kharberd, Hasan Celebi, deportation, massacre of men, robbery, foreign witnesses.

### **SUMMARY**

The paper examines one of the transitional stations – Hasan Chelebi – used during the deportations of the Armenian population of Sebastia in the context of the Armenian Genocide. Using mainly Armenian archival, press sources, collections of memoirs as well as secondary sources, and by combining them with the information provided by foreign witnesses and the Ottoman documents the paper presents the outline of the main functions and the sequence of the transitional station, the behavior of the victim and perpetrator groups and the implemented actions. Based on the systematic nature of the actions the paper reveals the main mission of the station, which is the extermination of the male population of Sebastia vilayet and the surrounding areas. The Kurdish population of the surrounding areas of Hasan Chelebi took part in the extermination and looting. The presence of the foreign witness Mary Graffam in the deportation caravan had a somewhat restraining influence. The testimonies of the survivors demonstrate that the actions undertaken at the station were implemented under the instructions of the higher political and religious authorities.

*Роберт А. Сукиасян*

## **ХАСАН ЧЕЛЕБИ. ОБ ОДНОМ ПЕРЕВАЛОЧНОМ ПУНКТЕ НА ПУТИ ДЕПОРТАЦИИ ИЗ ПРОВИНЦИИ СЕБАСТИЯ**

*Ключевые слова:* Геноцид армян, шесть вилайетов, Себастиа, Харберд, Хасан Челеби, депортация, массовые убийства мужчин, грабеж, иностранные очевидцы.

### **РЕЗЮМЕ**

В статье рассматривается одна из перевалочных станций, использовавшихся во время депортации армянского населения Себастии в контексте Геноцида Армян – перевалочная станция Хасан Челеби. Используя в основном армянские архивные материалы, источники в прессе, сборники воспоминаний и вторичные источники, в сочетании с информацией, предоставленной иностранными очевидцами и османскими документами, в статье дается описание основных функций и порядка работы перевалочной станции, поведения жертв и преступников и предпринятых ими

действий. Основываясь на систематичности характера проводимых мероприятий, в статье раскрывается основная задача станции: уничтожение мужского населения Себастьянского вилайета и прилегающих территорий. Курдское население близлежащих районов Хасан Челеби участвовало в уничтожении и разграблении. Присутствие иностранного очевидца Мэри Грэффэм в караване депортации оказало некоторое сдерживающее влияние. Рассказы выживших жертв свидетельствуют о том, что действия, предпринятые на станции, осуществлялись по указанию высших политических и религиозных деятелей.

## REFERENCES

Aknuni, Sepuh. *Միլիոն մը հայերու ջարդի անբողջական պատմությունը (1914-1918)* [*Complete History of Massacres of Millions of Armenians (1914-1918)*]. Constantinople: Hayastan gratun, 1921.

Chugasëzean, Vahan. «Բզրոնած Սեբաստիան» [Torned Sebastia]. *Eritasard Hayastan* (Chicago), 11 October 1919.

Gabikyan, Karapet. *Եղեռնապատում. Փոքրն հայոց և նորին մեծի մայրաքաղաքին Սեբաստիայի* [*Eghernapatum of the Poqr Hayiq and the New Big Capital Sebastia*]. Boston: Hayreniq, 1924.

Gabtanean, Paylat'su. *Ցաւակ* [*Pain*]. New York: Armenia, 1922.

Gasmanyanyan, Vardanush. *Պատմություն Վարդանուշ Գասանյանի սիվասցի* [*History of Vardanush Gasmanyanyan from Sivas*]. BNU/Fonds A. Andonian, P.J.1/3, file 6, Amasia.

Hakobyan, Tadevos, Meliq-Bakhshyan, Step'an and Barseghyan, Hovhannes. *Հայաստանի և հարակից շրջանների տեղանունների բառարան, հատոր 3* [*Vocabulary of Toponyms in Armenia and Neighboring Territories*]. Yerevan: Yerevan State University, 1991.

Hambarts'umyan, Vahan. *Գիղաշխարհ. Պատմական, ազգագրական ուսումնասիրություն* [*Village World: Historical, Ethnographic Study*]. Paris: Taron, 1927.

Հուշագրական ժառանգություն [*Legacy of Memoirs*]. HCHU Himnadrami gitakan usumnasirutyunner, Vol. 14. Yerevan: Foundation on Research of Armenian Architecture, 2011.

Lusaryan, Sepuh. *Մի կյանքի պատմություն* [*A History of One Life*]. Armenian Genocide Museum-Institute, Section of Handwritten memoirs, file 127, 128, 129.

*Օհաննես Ալեքսանդրեանի հուշերը 1915 թ. եղեռնի մասին* [*Memoirs of Ohannes Aleksanyan on 1915 yeghern*]. National Archives of Armenia, section 439, f. 3, file 115:

Mesrop, Levon. *Աղէր և վերածնունդ* [*Catastrophe and Renaissance*]. Paris: Araks, 1952.

Pekean, Heghine. *Ամասիայի հայ փախազրեակները* [*Armenian Exiles of Amasia*]. Nu/Fonds A. Andonian, P.J.1/3, file 6, Amasia.

Qasuni, Yervand. *Քննական ակնարկ «Միշրների հերլի»-ի 1915-1918 թթ. հայ ժողովրդի գեղասպանության և վերածնունդի մասին արձանագրած վկայագրություններուն* [A Critical Overview of Testimonies on 1915-1918 Armenian Genocide and Renaissance by Missionary Herald]. Beirut: M.A.H.A.E., 2012.

Qosean, Hakob. «Գանտիտա Գոյումճեան. Աքսորի ճամբան (1915)» [Gantita Guyumchean: An Exile Route (1915)]. *Hande's amso' rea* 1 no. 12 (2015), 345-483:

Ragupean, Eduard. *Եղեռնաբաղ դրաներ* [Reaped by Yeghern]. Beirut: Shirak Press, 1968.

Sargsyan, Suren. *Պատմության կարմիր, սև էջեր, սափնասյակային գործեր, եղեռնը* [Red, Black Pages of History, Demon Affairs, Yeghern]. Institute of Archaeology and Ethnography, National Academy of Sciences of Armenia, Archives, file no. 121/2.

Simonean, Gabriel. *Յուշանարեան պոնտական Ամասիոյ* [Memory Book of Pontus Amasia]. Venice, 1966.

Svazlyan, Verjine. *Հայոց գեղասպանություն. ակնմարտի վերապրողների վկայություններ* [Armenian Genocide: Testimonies of Witness Survivors]. Yerevan: Gitut'yun, 2011.

Temirchyan, Sargis. *Չորս տարուան տառապանք, Եդրկացի (Թոքսար) օր. Թեփերիկ Չալրգեանի քսորի կեանքէն* [Four Years of Sufferings, Teperik Chalgean's (from Tokat) Exile Life]. New York: Hayk, 1920.

Terteryan, Shahan. «Արիւնի ճամբէս. Դէպի Գողգոթան» [My Bloody Way: To Golgotha]. *Hayreniq* 11 no. 298 (1950), 1 no. 323 (1953).

Vardan, Levon. *Անբաստանագիր-տեղեկագիր Սեբաստիոյ կուսակալութեան* [Accusatory Reports of Sebastia]. *Haykazyan hayagitakan handes* (1995): 499-519.

Zarat'syan, Haykanush. *Սրվազ* [Sivas]. BNu/Fonds A. Andonian, P.J.1/3, file 6, Amasia.